

num enim fuit, ut qui de aliorum ruina letabantur superbe, in brevi casum proprium flere cogerentur acerbe. Hoc quidem anno secundo capta fuit Raffanaria et igne combusta.

De proelio apud Varanum commisso.

CAP. LXIX.

Cap^{aa}endente illo letifero Angelo [a] qui mendacio preest atque fallaciis, ut Faventinis iterum fallant, et omnes insimul periment, Ravennates et Livienses laborare non cessant. In captivitate igitur Faventinorum positus Ubaldus de Pethrignano [b] premonitus a Ravennatibus et Liviensibus, ut Castrum Latini [A], in quo partem habebat, Faventinis daret, eorum promittit consulibus. Qua promissione jramento firmata, et filio proprio in obsidem dato, domum adit propriam, et secretum, quod cum Faventinis statuerat, totum Ravennatibus pandit ac Liviensibus, qui ad eorum servitium vocare non differunt Csesenates, Populienses [c], Bretenorienses [d], Cervienses, Castellionenses, Galiatenses. Anno igitur MCLXX in mense maii [e] die vero statuta, Faventini tantam ignorantes nequitiam, soli et non omnes ad predictum equitant castrum [f], arbores et vineas ex more incisuri, et castrum a proditore accepturi prefafo. Interim Ravennates et Livienses, una cum prefatis populis, totum locum, qui ab ecclesia ibi posita dicitur Sanctus Varanus, et viam, quae patebat Faventinis, reditus occupant, et illos, jam per turmas divisos et sub certis vexillis redactos, Guido de Ubertino [g], nobilis et potens civis, Ravennates sic alloquitur [h] dicens:

Oratio domini Guidonis de Ubertino [i].

« Infinitas et immensas gratiarum actiones nostro tenemur reddere Creatori, qui
« Faventinos vestros perpetuos [j] inimicos, omnibus bonis, eorum nequitias detestabiles [k], omnium hominum sceleratissimos quos terra sustinet [l], nostris hodie [m] traditurus est [n] manibus. Ipsi enim omnia nobis promissa rescindunt, nemini pacta

[a] letifero Angelo, Codd. M. et V.; *Lucifero, Angelo*, C. A. [b] Ubaldus de Pethrignano, Codd. M. et A.; *Ubaldus de Petrignano*, C. V. — [c] Populienses. Sic Codd., cives nempe Fori Pompilii. — [d] Bretenorienses, C. M.; *Britorienses*, C. V.; item *Britinorienses*, C. V.; cives nempe Britinorii, vulgo *di Bertinoro*, a Bretonibus aedificatoribus et incolis fortasse dicti. — [e] in mense maii, C. M.; *in mense maii*, C. V. — [f] equitant castrum. Sic C. M.; *equitaverunt castrum*, C. V. — [g] Guido de Ubertino. Sic legendum; C. M. vero hic habet: *Guido de Obertino*, licet postea de Ubertino habeat. — [h] Ravennates sic alloquitur, C. M. Sic legendus et sic habet C. V. — [i] Oratio domini Guidonis de Ubertino. Sic etiam C. A. — [j] vestros perpetuos, Codd. M. et V.; *nostros perpetuos*, C. A. — [k] detestabiles, C. V.; *destabiles*, C. M. — [l] quos terra sustinet, C. V.; *quos terra sustinet*, C. M. — [m] nostris hodie, Codd. M. et A.; *vestris hodie*, C. V. — [n] traditurus est, C. V.; *traditurus*, C. M.

[A] Castrum Latini. Sic Codices; vulgo dicitur *Castel Latino*, et etiam *Ladino*. Nunc est villa marchionis Fabritii Paulucii, Forolivioque vix quatuor milliariis, meridiem versus, distat.